

明  
季  
北  
略

明季北畧卷之十

錫山計六奇用寶編輯

崇禎七年甲戌

袁繼咸論謫言官

正月請給事李世祺于外以劾大學士溫體仁吳宗達也。山左提學袁繼咸上言曰：養鳳欲鳴，養鷹欲擊。今鳴而箝其舌，擊而繼其羽，朝廷之於言官，何以異此？使言官括囊無咎，而大臣無一人議其後，大臣所甚利，忠臣所深憂，臣所爲太息也。且皇上樂聽讜

言而天下誤以攻彈大臣爲天子所厭聞其勢將披靡不止也。上以越職言事切責之。

袁繼咸論非內官

總理太監張燮憲請入覲官投冊以隆體統許之時二月也。袁繼咸上言曰：士有廉恥然後有風俗，有氣節然後有事功。今諸臣未覲天子之光先拜內臣之座，士大夫尙得有廉恥乎？逆璫方張時，義子乾兒昏夜拜伏，猶以爲羞。今日晝公庭恬不知怪，所爲太息也。上以越職言事責之。張燮憲奏辯覲官參謁乃

尊朝廷。繼咸復。上言尊朝廷莫大于典例。知府見蒲  
臬行屬禮典例也。見內臣行屬禮亦典例乎。諸司至  
京投冊吏部各官典例也。先謁內臣亦典例乎。事本  
典例。雖坐受猶以爲安。事創發憲。卽長揖。抵增其辱。  
高皇帝立法。內臣不得于外事。若必以內臣繩外臣。  
會典所不載。士仍切責之。

信州內臣

二月監視登良。太監魏相以給事中莊鰲獻。上太平  
十二策。內請徹監視。因求罷。上不允。因貶鰲獻于外。

五月陝西按察副使賀自鏡奏監紀太監孫茂霖玩  
寇宣府太監王坤奏監軍紀功罪耳。追逐有將吏在  
果如自鏡言。則地方官罪不在茂霖下矣。士不問  
六月敘禁旅功。蔭太監曹化淳。世襲錦衣衛千戶。袁  
禮揚朝進。盧志德各百戶。以擊盜屢捷也。

論罷監視太監

六月罷各道監視太監。諭曰。朕御極之初。徹還內鎮。  
舉天下悉以委之。大小臣工。比者多營私罔恤民艱。  
廉謹者又迂踈無通論。己巳之冬。京都倭兵宗社。

恐此士大夫負國家也。朕不得已用成祖監理之制。分遣各鎮。覽視添設兩部總理。雖一時權宜。亦欲諸臣自知引罪。今經制粗立。兵餉稍清。諸臣亦應知者。其將總理監視等官。盡行撤回。以信朕之初心。惟願肅密邇外境。高起潛兼兩鎮。暨內臣提督如故。

倪元璐請徹監軍

十一月侍讀倪元璐上言。邊臣之情。歸命監軍無事。稟成爲恭。寇至推委。自出陽以號于人。曰吾不自由也。陛下何不信賞必罰。以待其後。而必使近習之人。

該之鋒鐫。又使藉口。迄用無成哉。始陛下日行之有。績。卽微。今行之無績。益宜微不聽。

陳子壯與溫體仁有隙

禮部右侍郎陳子壯嘗謁大學士溫體仁。體仁盛稱主上聖神。臣下不宜異同。子壯曰。世宗皇帝最英明。然廟廟之議。勛戚之獄。當日臣下猶執持不已。皇上威嚴有類。世宗而公之恩遇。孰與張桂。但以將順而廢匡救。恐非善則歸君之意也。體仁意沮。遂成嫌隙。

陳奇瑜總督五省

二月進延綬巡撫陳奇瑜兵部右侍郎總督陝西山西河南湖廣四川軍務賊所向隨方勦撫先是賊既蔓延秦晉楚豫之郊流突無定廷議以爲各鎮之事權不一互相觀望宜以重臣開督府統攝諸道兵討賊上允之僉議洪承疇因陝西三邊所恃未可輕易故有奇瑜之命

李自成降叛不常

洪承疇精韜鈴率曹文紹曹變蛟賀人龍等凡破賊于甯塞於西安於延北於西壕於莊浪斬賊渠神一



魁等招降中斗星等先後勦獲甚眾山是張獻忠與  
延安賊李自成奔盩鄠間

六月陳奇瑜圍自成于漢中車廂峽會連兩四十日  
弓矢俱脫賊馬乏芻死者過半自成窘乃自縛乞  
降奇瑜許之各給免死牌籍七月七日辛卯賊至鳳  
翔藉口奉督撫檄安插城內守臣知其詐給以門不  
敢啓須縋城上先登三十六人盡殺之奇瑜因借爲  
辭劾地方官紳撓債撫局命緹騎逮寶雞知縣李嘉  
彥鳳翔鄉紳孫鵬等五十餘人下獄

李自成陷登城圍邵陽門洪承疇兵至解圍去轉寇  
平涼邠州八月自成陷咸陽殺知縣趙濟昌官兵至  
賊棄金帛餌官兵竟西遁屯乾州招之不聽復陷隴  
州賊到處烏合簡精壯爲前驅收婦女老弱急則用  
之餌官軍故諸臣動稱斬賊報捷賊勢實不減

陳奇瑜報降賊一萬三千有奇先是眾賊爲洪承疇  
所逐竄漢中二月陷興山壬申入瞿塘陷夔州三月  
川兵敗賊于巴州據巴西諸險賊不能度且飢無所  
得食故乞降于奇瑜奇瑜降檄諸部按甲無動遣官

監護降者且檄所過郡邑爲具糗糧傳送之諸賊舉  
無降意又未大創徒以飢疲困于地險不得逞既度  
棧道已出險漸不受繩束仍事殺掠所至罷市賊遂  
盡殺監視官五十員攻陷麟遊永壽勢不可遏矣此  
八月事。

閏八月陳奇瑜至鳳縣時賊益熾北接慶陽西至鞏  
昌西北至邠州長安西南至整屋寶雞衆殆二十萬  
奇瑜始悔其見愚急分兵出禦而兵已寡矣九月賊  
陷靈臺崇信白水涇州復陷扶風。

洪承疇遣總兵左光先等援隴州賀人龍圍始解十月左光先擊自成于高陵富平間斬首四百餘級自成佯求撫真甯知縣王家永遽信之出城招諭失其甲寅陝西巡按傅永淳上言漢南降賊陷城破邑所在駭然皆由奇瑜嵩主招降謂盜心已革不許道途訊詰故郡邑不敢問開門揖盜勦撫兩妨皆奇瑜之流毒也山西巡撫吳姓亦言招安流盜最宜慎重彼狼子野心勢難馴伏况邊地窮荒無居無食僅日免死遂甘心易慮乎哉上以秦盜猖獗速巡撫練國

事命李喬巡撫陝西十一月削總督陳奇瑜職。總督  
十二月進洪承疇兵部尙書總督河南山西陝西湖  
廣保定眞定等處軍務其總督三邊如故。

自縛乞降賊窘甚矣。雖不卽殺亦宜分遣。乃給牌  
以遺後患。豈計之善者。宜物議之沸騰也。

### 高傑降賀人龍

八月二十四日賊先鋒高傑降于賀人龍。初傑與李  
自成同夥。有驍勇名稱。翻山鶴。自成掠得邢氏。以貌  
美嬖之。將出掠。留輜重家口于老營。令劉良佐守外。

營保護內營有急互相救應。置兵守之。自成既出。邢氏便婢遺傑嘉旨及白綾。遂與之通。傑懼事泄。挈邢氏及家丁五十人降于賀人龍。人龍率以襲賊。卻之。良佐聞。因有歸朝意。

龐瑜死節

附王瑞冕

龐瑜字堅白。湖廣公安人。貢生。選京山教習。甲戌陞陝西平涼州崇信知縣。縣故無城。垣壘皆土。兵士遺黎僅百餘口。瑜知賊必至。流涕大言誓以死報國。未幾賊薄城。瑜解綬命僕走報土臺。尋城陷。瑜端坐公

堂不動賊。猝之下命。晚瑜揮拳罵曰。吾待死久矣。君  
今速殺我。何敢辱天下士也。賊怒。以刃脅瑜。瑜益罵。  
賊掠城中。無所得。執瑜至野。殺之。剖心裂屍而去。邑  
某官朱洪道亦死。瑜善易。精爻象。未之官。日筮得姤  
之革。驚曰。吾其歿於西乎。事聞。詔贈固原知州。命有  
司立祠。致祭同邑。又有王端冕。由孝廉知趙州。會  
大兵攻城。端冕治火藥。飭婢晚率吏民死守。城土已  
陷。城陷被執。不屈。遂縛諸櫓射死。

戴君恩誘斬王剛等

正月初五壬辰降賊王剛王之臣通天柱等至太原  
挾賞巡撫戴君恩設宴誘剛等斬之共斬四百二十  
九人會大旱饑民從賊者逾眾

賊陷陳州等處

七月總兵尤世威兵潰于雒南郡賊越盧氏犇永甯  
先是守隘諸兵露宿凡三月皆致疫痢不在戰左良  
玉自南鄉赴援盧氏十月初十日癸巳賊陷陳州靈  
寶二十八日辛亥陷盧氏

盧象昇勦楚賊



正月河南賊自鄖陽渡江薄穀城掠光化新野襄陽賊六路俱集郡兵不能支又賊衆入郢界圍均州往荆門西北夷陵四月楚賊在房縣婦倍于男總兵張全昌擊敗之川賊分三道趨掠郡縣張應昌兵敗于均州六月總督陳奇瑜鄖撫盧象昇剿竹山竹溪各山賊斬獲甚衆渰死墮崖死無算

均州穀城光化二縣俱屬襄陽府荆門州屬承天府夷陵屬荆州府房縣與竹山竹溪二縣俱屬鄖陽

劉楚垣守荆門

劉楚垣字師仲。湖廣荆門州人。家世務農。性孝。及母病。衣不解帶二百日。母死。為孺子泣三年。未嘗見齒。撫幼弟。悉以先世產讓之。天啓丁卯。舉鄉試。甲戌。流寇薄城。人心惶惶。楚垣率士民登陴捍禦。間出奇兵破賊。賊解去。城獲全。未幾病卒。卒時正襟危坐。手執一卷以逝。

曹文衡守唐縣

曹文衡號薇垣。河南南陽府唐縣人。萬曆丙辰進士。

歷官至薊遼總督。會監視太監邵希韶。噴其執法不  
郊迎。不會飲。惶欵許奏。被譴歸里。時流寇屢圍唐縣。  
文衡與縣令紹興王之良登城固守。以砲聲識賊信。  
緩急。若賊臨境。則發砲一。距城十里。則發砲二。圍城  
則發砲三。久之賊去。唐縣距南陽府八十里。縣雖倖  
全。而郡邑之各鄉鎮。被禍最慘。凡數十百里內。婦女  
盡爲之掠。男子頭面耳目口鼻。以及手足。無一人完  
全者。此皆吾邑人所目擊而述也。

薊元祥霍山罵賊

龔元祥字子禎南直長洲人崇禎辛未以孝廉謁選  
得翟山教諭與訓導姚允恭善甲戌賊寇江北正月  
十一日長駟至城下焚掠矣邑令解綬竄去元祥率  
士民固守或勸之微服避元祥毅然曰食祿而違其  
難不忠臨危而棄其城不義吾平日所講說者何事  
今若此耶設有不測唯有一死以報皇上耳亡何城  
陷元祥整衣冠危坐賊至署元祥諭以大義賊不顧  
逼令屈節元祥罵曰死卽死賊狗何敢辱我賊大怒  
卽執之去索金帛元祥罵不絕口死之子炳衡同婢

文各遇害。元祥死。越五日。頭血成碧。鬚眉間猶怒色。未解。以右手食指。指心。胷入寸許。姚允恭泣歿。隨與俱殉。適邑令某過。解免。踰日。賊復至。允恭亦死之。元祥嘗語門人曰。職無大小。皆可效忠。人亦罔所以報國家利生民耳。又嘗語季子曰。人生當爲忠臣義士。形軀有盡。性靈不朽。蓋其忠孝性生。激昂自許如此。

熊文燦戴罪

十二月。總督兩廣熊文燦戴罪自效。先是文燦令守道洪雲蒸巡道康承祖。參將夏之木。張一傑。往謝道。

山招降海寇劉香老。既而被執。文燦奏道將信賊自陷。上曰。賊渠受撫。自當聽其輸誠。豈有登舟往撫之理。弛備長寇。尙稱未知。督臣節制何事。故令戴罪。

童謠

初崇禎三年。溫體仁相京師。童謠云。崇皇帝。溫閣老。七年爲首相。京師又有謠云。崇禎皇帝遭溫了。皆取溫瘟同音之義。俱不吉兆。由是用人不當。流寇猖獗。

誌異

二月海豐雨血。三月山陝大饑。民相食。山西自去

秋入月至是不雨大饑民相食 四月山西永甯川

民蘇倚哥殺父母炙而食之 樺川地震如雷 鳳

陽總督楊一鵬奏言去冬十一月有異鳥聚集淮泗

之間雀喙鷹翅兔足鼠爪來自西北千萬爲群未嘗

棲樹集于田食二麥亦異災也 五月飛蝗蔽天

六月江西饑 七月十一日乙未敘州定遠堡母渚

龍洞聞銅鼓聲一日夜 八月有大星從天墮大同

兵警 九月初四丁巳應天地震 河南大旱

古今逆子有矣未聞兼殺父母者也至于炙而食

之自有天地以來之所無者而今見之世運悖逆  
之氣于是乎極而天理人心至是絕矣不忍聞不  
忍載也

大清兵入塞

甲戌七月七日辛卯入大同張家口初八日壬辰保  
安懷來初九日癸巳京師戒嚴十三日丁酉圍宣府  
屯夫壽山十四戊戌馳入永甯十六庚子圍大同左  
衛破保安州殺知州閻生千乙酉至朔州圍渾源州  
八月丙辰破代州分道進東至繁峙中至八角西至



三全入崞代陷靈工縣閏八月辛未攻保定竹帛口  
殺千總張修身攻宣府萬全左衛乃出塞

明季北畧卷之十一

錫山計六奇用賓編輯

崇禎八年乙亥

劾溫體仁

正月兵部職方主事賀王聖劾溫體仁庸奸誤國。請  
外。御史吳履中劾溫體仁。王應熊并及監視內臣  
上切責之。

罷文震孟

文震孟字湛持。號文起。蘇之吳縣人。天啓二年壬戌

狀元授修撰。上國步基艱。聖衷宜啓。疏其畧云。蹙地  
喪師。無歲不有。敗軍殺將。所在相聞。將使祖宗金甌  
無缺之宇宙。日消月削。勢將瓦解。東支西潰。又同河  
決。此皆諸臣悞國。以至于此。明知火之將爇。而處堂  
自若。但俟火來而燕飛。亦料水之必沸。而游釜無愁。  
猶冀水沸而魚躍。此又諸臣之愚而自悞也。云云。疏  
奏。上怒。致仕。崇禎戊辰。起侍讀。陞左中允。以逆璫爲  
忤。復致仕。璠誅復起。八年七月。講春秋稱旨。侍簡入  
閣。辦事十一月。與大學士何吾驛並罷。初。吾驛震孟

欲以工科給事許譽鼎補南京太常卿溫體仁與吏部尚書謝陞難之陞遂疏糾譽卿震孟止欲奪譽卿俸體仁不肯震孟作色擲筆曰卽削籍無害體仁夕揭上而吾竊震孟朝罷矣。

凡劾體仁者無不見責爲體仁劾者無不立罷除佞如拔石去賢若轉丸可爲三歎。

### 宗秩改授

正月上以祖訓凡郡王子孫有文武才能堪任用者宗人府具以名聞朝廷考驗授以職遷除如常例侍

郎陳子壯上言宗秩改授適開僥倖之門。曠濬規濶銓政。上以其沮詔間親下于理。明年四月始得釋。已而宗秩蒞官多不法。公私苦之。

各舉所知

入月上諭致治安民。全在守令。命兩京文職三品以下五品以上各舉知府一人。無論科第貢監。在內翰林科道在外。撫按司道各舉州縣官一人。無論貢監。更上過期不舉。議處失舉連坐。

鄒維璉告歸

鄒維璉號匪石新昌人萬歷丁未進士爲吏部主事  
有刑部主事譚謙益疏薦異才宋明時維璉上言自  
古及今未有使鬼役神能破敵成功者楊漣擊魏忠  
賢不勝維璉疏曰若王甫李輔國程元振仇士良我  
朝曹吉祥劉瑾無一不誅且人主卽不肯割棄天下  
必有代爲割棄者漢之張讓趙忠靈帝至以父母稱  
之唐之田令孜僖宗以阿父呼之我朝王振英廟亦  
嘗寵之群臣之上然而讓忠孜振何有一人老死臚  
下以富貴終䟽入忠賢怒矯旨削籍遣戍夜郎崇禎

初起巡撫福建銅鼓嶂石屈塞等之役血戰入晝夜  
俘斬數千級當國者忌其才逐之乙亥再起兵部侍  
郎隨子告歸尋卒于家

董其昌致仕

董其昌字元宰號思白華亭人。年賦詩語必驚人。  
又從莫中江遊得荆川舉業。正派中萬歷己丑進士。  
官庶吉士。授編修。訓後學。有蓓蕾數則。及十字訣義。  
望重一時。忤時相。出督學湖廣。陞福建參議。廷臣交  
章薦召為經筵日講。天啓初擢太僕寺卿。既而讀曹

洞語錄。有省。崇禎乙亥。以禮部尚書兼太子太保致仕。又二年卒。年八十有二。書畫妙天下。家多姬侍。各具絹素索畫。購其真跡者得之。閩房者爲多。南都子諡文敏。

予先伯昔遊楚。適公督學生童同試。平且悉坐號。房公起步出封門。衆皆立。公諭曰。童生坐。生員皆坐。公還位久之。生童請題。公曰。題出久矣。衆始悟。又試一邑。前夕殊書粘署前。云。明日不考文。次日諸生俟久。題竟寂然。請之。公曰。本道昨日已出題。



日考才學卷十一  
四  
于外矣。眾始爽然而退。

曹文詔自刎

時賊大夥在秦。勦撫未定。諸督撫前後數十輩。或被  
譴去。或逮繫去。或死西市。或戰死。逃死。不可勝計。惟  
秦督洪承疇。勦禦有方。遂自秦撫進五省。都督每逐  
賊。盡馳往還數千里。每在官舍。過門不入。士卒感其  
義。爭爲效死。楊嗣昌在樞部。忌其才績。意弗善也。正  
月賊陷靈臺。二月十二日。壬戌。漢中賊陷甯羗。六月  
初七日。巳酉。陷西和。十九日。丁酉。免陝西巡撫李喬。

官以屠儒充寇也。以甘寧圍代都陝西。二十七日丙午曹文詔力竭自刎。文詔敢開前後殺賊萬計。官軍聞之奪氣。七月十五日癸亥賊攻陷澄城。八月初五壬午陷咸陽。

河南流寇充斥

正月初六日丁巳賊陷滎陽屠汜水。又陷固始。時秦賊數千萬出關分三十六道掠郡邑。給事中常白裕上言中原天下安危所係。今羣盜充斥。乃僅以左良玉一旅塞新澗。陳邦治等數營扼汝州。陳永福孤軍

增南陽賊營。盡屯以數千。官軍京西堵拒賊。何畏而不長驅哉。乞更選邊兵。統以廉勇之將。特選重臣親師。庶腹心不致決裂也。河南賊復入漢中。陷甯遠。

兵部議調西北邊兵及南兵發內帑銀二十萬。口餉九十餘萬。命洪承疇統率出關。節制諸路。撫鎮合力勦賊。期以六月承疇率軍赴河南。時賊往來不定。豫中尤稱要衝。關陝以東。黃河以南。襄陽以北。延袤數千里。所在馳突。六月下河南。巡撫元嘯于獄。謂其意屬也。而代之者陳必謙。必謙常熟人。萬歷四十二

年癸丑進士與盧象昇協力勦賊部鎮諸將左良玉  
陳永福趙國柱等斬與世王子郊縣關世王子白沙  
整齊王子宜陽掃地王子郊豫患少息已而赦詔到  
豫必謙知其詐欲令面縛詣軍門副將王進忠勦賊  
無功思以款自効單騎入賊營爲賊所殺必謙竟以  
此罷賊又破盧氏十月十五壬辰襲陷陝州攻圍永  
甯破冀庄馮庄等寨及响峪等十三村十一月總兵  
祖寬破賊于九嵩賊潰爲二東走偃蓋南走汝州寬  
分兵襲擊之斬首千級十二月初十日乙酉賊聞王

曹操數十萬圍光州。昇大砲二十座攻城。燃二礮。城崩。城中頃刻火作。城乘而入。官吏士民屠戮無遺。

盧象昇戰功

盧象昇字建斗。號九台。宜興人。少讀史。至睢陽武穆。輒歎曰。吾得爲斯人足矣。登天啓壬戌進士。授戶部主事。差清源。舉卓異。陞大名知府。遷山東副使。崇禎己巳募兵勤王。兵退。上于雄兵備。寇興。馳行郡內。出檄州縣繕城治具。率眾往。遇賊數萬。象昇弗卻。中一矢。須傷。又一矢。撲天斃。馬下。象昇且戰且走。會後兵。

至乃免賊衆趨府城而潛分兵攻滑象昇偵知之戒  
守城士勿動選精騎潛出設伏草莽賊至卒發大敗  
之斬級數千賊相戒曰此盧閻王遇卽死不可犯象  
昇以是有能兵名賊懼南渡河河以南所至殘燹七  
年中戊賊破鄆陽命象昇撫鄆卽大治八年乙亥命  
象昇撫楚賊又懼濟河南總兵祖寬于雒陽等處三  
戰三捷斬級二千軍聲大振象昇遂晉兵部侍郎總  
督直隸河南山東四川等處七省軍務統關遼兵賜  
尚方劔便宜行事會乙亥歲杪滁州攻圍甚急知州

劉大鞏馳檄請救疾赴援與賊戰大敗之象昇會諸將曰兵貴神速今賊氣已衰失此不擊良患安窮越兵乘其後賊又大敗遁走承囊象昇率眾追之獨以數百騎入陣中爲賊圍困二日賊不敢犯象昇與諸將約曰食盡道窮留此死擊不勝亦死吾當力衝之乃率騎疾闖擊殺萬人食斷道越三日賊投戈請降其及之于滁將盡勦無遺顧以淮督朱大典莫爲增截復逸去

擒爬天王

二月新黃大盜爬天王擁眾六百餘人村人擒之身  
長八尺自言天亡我非我罪也

流賊陷潁川

賊在江北者七年甲戌十二月初十日壬戌陷英山  
焚霍山二邑屬廬州府英山深窺入百里賊踞爲窟  
穴時出攻掠八年乙亥正月初九日庚申賊陷霍山  
十一日壬戌陷潁川知州尹夢鰲通判趙士寬俱聞  
室死之時有同守縣丞某及訓導倪可大俱死尹夢  
鰲雲南人舉人官潁川有惠政正月十一流寇攻城



夢鰲率民兵登城守禦。十二日寇搆城脚傾陷。數丈。百姓見勢不支。咸奔避。夢鰲長跪求固守。百姓不從。竟潰散。夢鰲獨持大刀當城。傾壞處賊緣城而上。夢鰲揮刀殺十七人。賊大隊畢登。夢鰲四顧。竟無一人共事者。卽投烏龍潭淹死。趙士寬字汝良。號萊蓼。山東萊州府掖縣人。以官生爲鳳陽通判。時適往壽州。聞賊犯潁。一日夜馳三百里歸潁。城守甫入而圍合。士寬欲守禦。而州之大家先逃。城內大頽。賊乘以人。士寬赴黑龍潭水死。妻崔氏與二女同縊。州役從死。

者十餘人。贈光祿寺寺丞張大同。字同。自號鶴鳴。川人。兵部尚書鶴鳴長子也。爲太學生。能文。重聲氣。與海內知名士交流。寇破。用城。鶴鳴避匿他所。大同居本宅。題其門曰張大相公書房。在此賊入。擒之。張之隴。不屈。問其父何在。曰。要殺。梗殺。吾父不可得也。已而張氏奴導賊于民舍。縛鶴鳴。歸。拷索藏金。對曰。無大同。爭曰。家財。悉我所掌。與父無涉。賊不聽。搜其室。見皆古玉及陶器。遂劈鶴鳴頂。達踵。大同奮臂。大罵賊。併欲殺之。旁賊勸曰。旣殺其父。姑留其子。但

命獻金贖命可也。太同日。父死義不獨生。思愈烈。賊  
光去其髮。既復斫其半面。罵仍不絕聲。賊支解之。  
張鶴鳴立朝。願爲東林所不與。若大同之慷慨激  
烈。死忠死孝。幹盡多矣。

### 賊陷鳳陽

先是七年正月。南京兵部副書呂維祺。以城勢逼。  
奏言南都鳳泗承天陵寢所在。乞勅淮撫楊一鵬。急  
爲預備防賊。東犯至是。賊自汝南來。密遣壯士三百  
人。僞爲商賈車役。先入鳳陽。或帶錦悅椒棗。或爲僧

道乞丐等分投各宿。隨以重兵繼之。時方元夕。士女如雲。笙歌徹耳。忽火光四起。咸呼曰流賊至矣。百姓狂奔不啻鷄入釜中。魚遊網內。也是時鳳陽無城可守。雖有總漕楊一鵬駐扎兵不過二千餘。皆市人不習戰。賊大至。官軍無一人迎敵者。遂潰。賊焚皇陵燒享殿。燔松三十萬株。殺守陵太監六十餘人。縱高牆罪宗百餘人留守。朱國卷戰斬賊二十七人。力竭死。賊渠掃地王太平王入府城。知府顏容暄因服匿獄中。賊縱囚獲之。張蓋鼓吹杖容暄于堂下死之。殺推

官萬文英等六人。武官四十一人。士民被殺者數萬。  
剖孕婦。注嬰兒于梁。焚公私邸舍二萬餘間。光燭百  
里。賊渠列幟。白標古元真龍皇帝。恣掠三日。太監盧  
九德總兵楊御蕃。以川兵三千救鳳陽。南京參將雋  
其率兵亦至。賊卜于神祠。不利。刳神像而去。拔營南  
下趨廬州。

萬文英字仲實。江西南昌人。子萬元亨。字爾嘉。小字  
芳生。幼穎異。十歲通五經。十五補博士弟子員。從父  
交英司理鳳陽。流寇從姑山。永城來犯。時文英有父

喪聞訃業辭上官。行有日矣。適因哀毀過甚。臥疾案牘房。忽人馬洶湧。喧聲如沸。文英急問爲誰。左右曰。燈市鬧時。蓋元夕也。俄而賊已入司理署矣。左右曰。賊覘之則流寇也。文英曰。吾必以死殉國。強起披衣。然病甚。輒起輒仆。于是賊急索理官安在。元亨泣語父曰。吾不得復事吾父矣。急着青衫出。大呼曰。死賊若索官何爲。吾乃官也。賊遂厲聲脇之。元亨大罵不絕聲。賊首怒甚。命旁賊加刃。所持庖人食刀。刀無鏃。割不能斷。脰至數十割。元亨乃死死。惟呼阿爹阿爹。

賊不知鄉音爲何卒以此爲理官也。遂置文英而去。方元亨青衫大呼其師萬思尹出視之。賊併執思尹將加刃。元亨抗聲曰。若所欲得者官耳。何與渠事。賊亦卒舍思尹。元亨死時年僅十六齡。云總漕中丞以其事聞于朝。已而閱視科臣林淮揚按臣張覆敷之。請得旌揚如例。然前載文英被害而此云置文英而者。或置後而死者歟。

傅烈婦。孝感。人。歸戶部主事程良儒。翰林侍讀程正揆之母。舒烈婦卽正揆元配也。先是正揆爲侍讀時。

良儒居干鳳陽。傅氏偕舒氏以從。俄傅病。正揆性至孝。連章請假。請致仕。請終養。僉不許。于是徑路陳乞。不待掌院代題。溫體仁謂非例。意弗善。正揆曰。某獨子也。非獨功名雞肋。卽性命亦等鴻毛耳。旋得旨。省親。遂于甲戌冬出京。至乙亥正月十日抵鳳陽。僅五日而賊變作。良儒固無守土責。或有勸徙臨淮者。傅氏曰。鳳陽無城。民心易動。一動則無民。無民則無鳳。無鳳則無陵。我將焉往。顧謂正揆曰。盍去諸。正揆曰。兒爲省父母來。今有變。率妻子去。非情也。有生。死。追。



隨膝下已耳。十五日早，殺聲沸天。正擗衽，服破垣出。匿母妻眷屬于署之左塘茅屋中。良儒獨死守倉儲。而以勅印付傅氏負之。是夜賊肆焚屋，火焰逼人。正揆失母妻所在，痛哭呼號，獨攜二僕。曰：蔣曰申，出入賊營偵伺消息。凡三晝夜，白刃加頸者數十次。幸免。當被執時，賊魁問陵內多寶乎。正揆曰：太祖登壇後，始巍煥改觀。其初不過尋常墳墓耳。但有官甬環衛，而無珍寶以藏。賊乃已。子大年止十三歲，亦擄去。祖孫父子夫婦兄弟，無得全者。未幾賊去，倉儲無恙而

正揆覓得母妻於血肉狼籍中。時傅氏額中一刀。手  
斷一指。眼受一棍。舒氏面中三刀。身中十二刀。兩手  
擘。被二指。僵臥牆角。聲氣如絲。移就一室。敷以創藥。  
卒不救。相繼俱卒。明年子大年自鳳翔府乘間逸歸。  
十五年壬午。具疏請卹。奉旨俱贈。恭人建坊旌表。  
揆字端伯。二月。巡按鳳陽御史吳振纓疏奏鳳陽之  
變。是日。上嘗經筵。特傳免素服避殿。親祭告太廟。命  
百官修省。逮巡撫鳳陽都御史楊一鵬。并吳振纓。下  
獄。一鵬論死。棄西市。振纓遺戍。

十月上下罪已詔曰。朕以涼德。纘承大統。不期倚用。匪人。邊乃三入。寇則七年。師徒暴露。黎庶顛連。國帑匱。詘而往。調未已。閭閻凋敝。而加派難停。中夜思惟。不勝愧憤。今調勅兵留新餉。立護元元。務在此舉。惟是行間文武。六十勞苦。飢寒深切。朕念念其風。食露宿。朕不忍安。深宮念其飲水食麤。朕不忍獨享甘旨。念其披堅冒險。朕不忍獨衣文繡。擇茲十月三日。避居武英殿。減膳撤樂。非典禮事。惟以青衣從事。與我行間文武吏士。甘苦其之。以寇平之日爲止。文武

官其各省。自涿澤。厲用回天心。以救民命。十一月賊  
破祖寬所敗。進通鳳陽。朱大典率兵馳壽州。十二月  
城鳳陽。鳳陽向無城者。或恐王氣洩耳。

方震濡守壽州

方震濡字孩未。桐城人。遷壽州。母孔氏。夢正學先生  
來。臆而生。萬曆癸丑進士。授福建沙縣令。擢湖廣道  
御史。尋廟初請。逐忠賢。遠客氏。忠賢恚甚。會遼陽不  
守。震濡一日十三疏。籌畫痛哭。又自請犒師。齎卹。而  
按遼之命下矣。此受事。疏言廣寧情形。戰不成。戰守

不成守。經撫心同手異。疆事必致大壞。壬戌正月。大兵夜渡。盆河。祖大壽駐覺華島。震濡恐其降敵。遂帥都司張國卿航海往說之。大壽遂攜糧十萬。兵數萬。西歸。主事吳淳夫。徐大化。逢璫意。劾其攘差。遂乞歸。乙丑。給事中郭興治。復誣劾之。忠賢矯旨。逮問。坐贖六千四百日。一杖。比復誣其在獄。與劉鐸。詛咒擬斬。忽傳太子生得免。崇禎初。欲大用。而劉鴻訓。柄國。素重賄。震濡不可。自言與楊左。入獄時。共十七人。今惟與惠世揚。兩人在。白骨再肉。華表重來。若再作宦。

海汨沒之想便是冥頑不靈。男子自是息影社門日  
事禪誦絕口不談仕進事。癸酉甲戌間流寇充斥大  
江以北人無固志。乙亥正月。類霍告陷。賊至壽州時  
壽守土無一官。父老子弟請震孺爲城守。計震孺被  
家給土。乘城拒守。捍禦諸具一夕皆備。未幾萬衆肉  
薄環攻。震孺親冒矢石。用砲截厥渠。壯又縋城出死  
土。刳其營。斬獲無算。賊乃賊遁。及丙子冬再犯。和舍  
道經壽界。去城不三里。而卒不敢正視也。撫軍史可  
法上其功。當擢用。因冢宰有小嫌。僅補嶺西叅議。未

幾有湯楊二將踞廉州以叛。總制沈猶龍委南韶道  
王孫蘭往禦。孫蘭縊死。震孺單騎直入其營。諭以禍  
福。卒兵皆降。全廣得安。不半載擢爲廣西巡撫。蓋出  
于上意也。宏光立。震孺拜疏。願親提兵過河。與賊一  
吳馬士英。阮大鍼見之曰。彼來吾輩無幸矣。遂矯旨  
語云。撫臣勤王。不得自行。震孺鬱鬱失志。每自言曰。  
兩都諸臣。忍忘先帝仇乎。吾當爲先帝駟騶。城耳。病  
遷不起。索筆題詩。有一痛橋山。幸回首。麻衣如雪見  
元皇之句。仲子惟馨仕閩。兵部司務署篆。其上

討事有曰蕭王爲將而不爲天子。此光武所以獲  
物也。宋高爲天子而不爲將。此紹興所以終南渡也。  
薛謂名言。大清兵南下。痛哭疾走。兩難委頓。逆旅  
嘔血而卒。子居易髮覆額。亦不願回里。隨死之。  
乙未亳州知州何燮。被執不屈。爲賊寸縶。

吳大朴守廬州

附野編

正月張獻忠自鳳陽趨廬州圍之。知府吳大  
民固守晝夜。拒戰。城內行市。悉用磚石。包營環砌。造  
如衝然。壁間多作隙。屢使強壯內伏。操戈伺。凡反



瓶火砲藥鎗噴鎗以及滾木等無不悉備賊薄城城  
上發百子炮擊殺千百人而攻圍益急大朴登城周  
望四面習賊其勢甚銳急發火砲及滾木復擊死  
無算聞有勇壯洞城入者四圍皆壁馬不得旋屋內  
伏兵對刺之賊欲返刺輒以壁蔽不得施其技無不  
立斃賊衆始懼攻擊七晝夜城中隨機應之賊無如  
之何乃退然大朴以戰守勞苦自幾喪明長子多材  
畧分任軍旅事大朴卽昔年全吾錫者康熙初存首  
廬州圍城中來者語子云崇禎八年正月十四日

首混天王等圍廬數日。城中有許宦妾邊摩也善射。射賊攻城急。妾馳城上。窺敵時。賊將二大王已登月城。守者發砲。寂然無聲。衆大懼。許妾曰。未終砲耳。卽嘶指出血。旋灑炮上以祭之。躬自焚火砲。應時而震。擊毀城樓半截。二大王立斃。賊遂遁走。至今廬州民間有一砲打死二大王之謠。是歲十二月十七日。李自成復攻廬州。凡六日。不破解圍去。及十四年辛巳。復攻。迨十五年五月始破。

大朴號潯元河南充國始人天啟壬戌進士

初令無錫

昔武宗時劉趙倡亂許達守山東濟南府。達  
曾以包砌屋壁却賊大朴始得其道。

噓指一事卽南八男兒之烈何以加茲。

賊陷巢縣

親見者述

賊既去。應州正月二十一日。至柘皋劫掠。柘皋果也。  
也。距縣六十里。難民奔告邑令嚴某。浙之錢林人。素  
酷得報猶不信。乃曰。此响馬盜耳。何流賊之有。反管  
之。已而遣二人偵視。二十二日甲戌卯侯。嚴令肩輿  
出將閉城。經養濟院。猝遇兩騎手執紅旗。自北門馳

八級役見之驚走。嚴令趨匿院內。街衢寂無一人。二  
騎馳至南門。俄返。卽有五騎從行。頃之復有五騎。一  
隊絡繹擁附者甚衆。賊登城執旗四拂巷肆中。爭出  
應之。皆賊潛伏城內者。凡平日鬻唱貨布。星相卜筮  
之屬。無不皆是。須臾二百餘人。已而後隊大至。約三  
千人。初執旗二人自南門返。見院前遺囑。詰令所在。  
衆出之。賊挾至縣。賊曰。死因汝。今殺我。後必有人  
斬汝。賊怒殺之。年甫四十耳。妻某氏。長子年二十。  
俱被害。次子年十二。幼子九歲。俟負之越垣而逸。長

女年十八。次女十六。有殊色。賊携懷中使持節。女舉  
盃擊賊面。且誓曰。死賊汝。惡貫滿盈。天子將發兵勅  
汝。任汝殺我。吾何懼哉。賊大怒。舉刀殺之。一云携去  
陸孝廉趙主事。俱被殺。凡殺百姓千餘人。賊初至。卽  
舉火。先索騾馬。次索金銀。子女。婦人。悉貫以索。閉于  
縣內。大肆淫穢。釋囚數百。願從之去者。卽與衣鎗。二  
十餘日。二十四日。將往舒城。四門舉火。三砲。拔營  
而去。至十二月二十四日。庚子。賊自廬復至巢。知縣  
王明德。江右人。鑒于嚴令。豫備小舟。南爲閘。賊至。卽

登舟走百姓奔竄歸入城無所得焚舍數處而去後  
庚辰辛巳兩年賊復至巢則巢邑之被難凡四矣

章可試守舒城

三月二十四日乙亥賊攻舒城知縣章可試塞三門  
開西門誘賊入陷于坑奔潰死千人因掠霍山合肥  
縣祿婦人數千置于城下少媿沮卽磔之攻三日而  
去嗟嗟婦人何罪裸之磔之賊至凶惡一至于此

賊襲廬江

正月二十七日戊寅賊自舒城抵廬江邑人具幣求

免僞許之夜襲城城陷

賊陷無爲州

此兼野史

正月二十八日己卯賊至無爲州使偏裨野掠與鄉兵戰敗乃駐營池河張守備率兵出禦以衆寡不敵而敗被殺兵盡殲焉池河千戶某亦歿于陣州遂陷

包文達宿松死節

包文達字行甫其先江夏人以開國靖難北征功世襲蘇州衛指揮同知父世爵有方畧官未幾歿濟寧文達厲志好學年二十襲職在官凡十五年乙亥正

月梳冠犯安慶。巡撫張國維命從征。文達治酒延親  
知語曰。愛國恩三百年。此身亦欲用之。入內別母再  
拜而出。登舟見朽甲鈍戈。歎息者再。既渡江。二月二  
日癸未。賊陷潛山。警益急。國維命文達疾驅至皖。時  
統兵官凡四人。有忌文達者。獨令居後。資糧餽絕。未  
幾督進者羽若星。下既抵賊所。人馬飢疲。疑幾而前。  
謀人入殊。偶得賊哨一騎。傾其囊出白金若干。爭析  
者乃雜然聚譁。驛報賊零散易襲。躍馬爭出。文達諫  
不聽。從之行。諸軍素苦。諸弁腹削。人有離心。賊伏四



飛。越。鳥。獸。火。器。被。雨。亦。不。效。從。者。引。文。達。退。文。達。  
不。可。策。馬。奮。進。故。善。射。亟。發。矢。盡。脇。中。流。矢。墮。馬。  
強。起。拔。矢。揮。刀。再。戰。援。絕。力。竭。賊。迫。令。卸。甲。降。文。達。  
腹。日。怒。罵。賊。砍。其。左。臂。斷。首。而。去。笑。且。罵。曰。吾。所。至。  
風。靡。吳。兒。何。能。爲。乃。奮。螳。臂。當。我。獨。如。包。某。猶。不。失。  
爲。一。將。且。主。人。悲。其。死。廟。祭。其。地。鄉。賢。士。大。夫。異。默。  
張。世。偉。輩。咸。爲。文。哭。之。而。諸。生。金。俊。明。紀。其。事。

石電戰死

石電字熟。人世爲丐。僑居長洲之彩雲里。崇禎八年。

流寇躡中都圍桐城。江南震動。電所與游同志陳其  
德指揮包文達往援。要電與俱。電曰：吾老矣，不食軍  
門升斗粟矣。而往英曰：我輩平居以汝爲眉目，汝不  
往，是無導帥也。幸強爲一行。電曰：諾。褰被而出，終不  
反顧。二月十二日，追賊于宿松。我師恃勇輒進，陷賊  
伏。中文達死之。電與英分左右翼，博戰。自辰至晡，殺  
賊無算。英躡被擒，電大呼往救，被圍之數重。電力盡，  
舍鎗手，乃射殺數人。賊群斫之，頭既斷，猶僵立。爲擊  
刺狀良久，乃仆。皖人招其魂，祀之余忠宣廟下。電身

長髯赤能挽強超距。尤精于鎗法。有善鎗者。典衣裹糧。不遠數百里。盡其技而後已。遂以鎗名。江南虞山錢謙益紀其事。

二月初四日。酉賊陷羅田。

黎宏業和州自縊。

十二月二十四日。庚子賊犯含山。含山縣屬和州。民間賊至。遁走城遂空。賊知士民犇匿。和州卽率衆往。二十六日至。和知州黎宏業。廣州順德人。率軍民固守。凡含山百姓入城者。俱不容出。約邑紳馬如蛟等。

出金橋土。賊攻城發砲擊之。傷賊頗衆。賊遂移營十里。三日不攻。初賊未至時。圍城久不寢。至是復晝夜拒戰。疲甚。見賊營稍遠。咸有懈心。晝雖守堞。晚卽各歸。二十八日。賊率精銳用梯攻城。城上發砲擊殺百餘人。賊復頂方桌掘城。城上擲薪焚燬。是夕三鼓風雷漸急。賊用大砲擊西門。守者不能支。多潰走。賊燔附而登。宏業回署。縉書壁云。爲官不負民。爲臣不負君。惠孝誠已盡。死生安足論。學正康。正諫總督周廷儒。訓導趙世選。俱死之。正諫。掖州郝門人。

馬如蛟字騰仲號訥齋和州人天啟壬戌進士與倪  
元略黃道周同出韓太史自橫門授由陰令所食於  
番巨和葢致戊辰擢入爲侍御史己巳巡按四川辛  
未巡漕以武闈貽累落職歸佐父歲施樽數百前後  
焚券甚衆又族人耕者于田讀者于塾生者于聚死  
者于藏和人以爲范文正再見云甲戌丁艱乙亥十  
二月二十六日賊寇和州如蛟涕泣誓衆散家貲練  
鄉勇佐黎弘業櫻城固守二十七日賊騎遶圍三匝  
頂門搭梯晝夜環攻如蛟用砲擊死數百人賊計窮

將引去。忽颶風大作。燈火風沙掩面不見。守者  
城遂陷。如皎曰。事迫矣。坐以待斃。何益乎。急下令相  
從。擊賊者予百金。頃與得此士百人。鼓勇巷戰。良久  
力屈。奔水次。當可渡。渡且生矣。如皎曰。清流湯湯。不  
照偷生顏面。卒力戰死之。兄運尹如虬。諸生如虹。及  
男婦死者十有四人。事聞。詔贈太僕寺。陰一子爲  
國子生。魯可濬。和州人。其言美。城本末曰。人心未  
收。關隘未守。奸細未誅。亂民未靖。云云。

賊駐和州四日。至九年正月初四。乃去。屠戮甚衆。民

其走南京守臣恐賊混人不許過江誠厄運也李操  
江遣兵守江令王守備詣和州偵賊于江濱見一乞  
兒貌甚修偉兩童子隨行年可十二三擒之索其體  
腋內刺賊號太河第八攢天龍乃入金陵爲聞者兩  
童子亦善騎射皆猾賊也解至南京誅之賊是春寇  
金椒陳家市及破和以後復掠烏江百餘里竄前阻  
大江後有追賊多躍入江中死康熙三年閏七月二  
十一日和州庠友雍爾玉語子曰徽州遇流寇之難  
殺人十之九閭里凋蕪有不可言者

眠破和州其魁混天王與徒黨酣飲使美人侑觴既  
醉偕寢及覺呼之不得合左右秉燭四覓已絕矣賊  
嗟嘆良久已而褫其衣投之抗內又有甘氏習武  
人也年少而美以家富不能速遷賊信急豫取巴豆  
藏之已而被涼賊將欲汙之甘氏辭曰今佳釀甚多  
先與爲歡遲我三日永侍箕箒何必速耶賊訊之甘  
氏曰身不潔耳乃已又數目復求合更以陰囊給之  
又止賊以甘美飽慮爲二王得其氏曰君勿憂吾有  
計在乃以鮮血及膏藥等傅而果免又誘賊將曰吾



與汝義爲夫婦。此非容身地。宜他適。乃可。賊將從之。遂攜輕寶潛遁。一日密以巴豆進賊。賊暴死。甘將皆實。昇歸與夫復合。爲鉅富云。此出野史

李繼樾守江浦

江浦孫屬應天府。距和州六十里。乙亥十二月三十日。城渠八大王自和趨至圍西門。又圍南北兩門。惟大東小東二門不圍。知縣李繼樾登陴防禦。南京遣游擊江迎吉以下人駐浦口。又游擊蔣都蘇人也。以五百人踞城中。合鄉兵固守。分詰奸細。如謀人入。僞

稱江北人。則令江軍解北語者詰之。僞稱江南人。則令將軍習南音者詰之。一日城中獲諜僞稱南人使。蔣軍訊問不能出一言。立梟示城內。賊悉擒斬。訖謀。遂絕。外賊猶未知。忽數人登堞。有屠兒誘之。執其手。抽刀斷臂墮下。賊始知謀洩。乃退。李繼樾追賊。蹙。奮臂大呼。所向辟易。賊衆宵遁。後繼樾與蔣都等俱陞。賞有差。宏光朝繼樾陞科道。康熙己酉三月十三日。江浦人劉肇名述。

流寇蹂躪南省如潁川鳳陽巢縣舒城廬江無爲

州和州等處。所至破滅。屠戮人民。不可勝計。其僅存者。不過壽州與廬州耳。然廬州僧或城堅易守。至于江浦斗大孤城。靴尖可倒。乃能固守無虞。抑且追賊塵。戰李公膽。智高人一等矣。庚戌六月七日筆。

鄭芝龍擊劉香老

初芝龍爲海盜。天啟七年。犯閩中銅山中左等處。崇禎元年五月。招之。九月。芝龍降于巡撫熊文煥。授以游擊。五年壬申十一月。劉香老犯福建小埕。芝龍擊

走之。六年海盜劉香老犯長樂。甲戌四月又寇海豐。乙亥四月芝龍合粵兵擊劉香老于四尾。遣洋香老。賜兵備道洪雲蒸出船止。兵雲蒸大呼曰。我矢死報國。亟擊勿失。遂遇害。香老勢蹙自林溺死。康永祖夏之木張一傑脫歸。十三年八月加芝龍總兵。芝龍既俘劉香。海氛頗息。因以海利交通。朝貴寤以大顯。芝龍泉州人。泉州郡城南三十里安平鎮。芝龍府在焉。芝龍初習海。知海情。凡海盜皆故盟。或出門下。自就撫後。海船不得鄭氏令。旗不能往來。每一船例入。

三千金。歲八年萬計。芝龍以此富敵國。自築城于安平。海稍直通。臥內可泊船。徑達海。其守城兵自給餉。不取于官。旗幟鮮明。艾甲堅利。比賊入海者。倣付芝龍取之。如寄。

鄭芝龍小傳

芝龍號飛黃。福建漳州府漳鎮人。離府六十里。濱于海。父翔宇。祖壽震。世府掾。飛黃行居四。三兄亦府掾。飛黃年十八。早緣掾缺。上役已擇吉有期矣。父多妾。廢其生第六子之母。與飛黃構別情。一日為飛黃理。

飛黃以手挿入其裙腰。謂情意密。父自後走。出飛黃提縮勢。急裙帶爲絕。父目擊。持棍怒逐飛黃。奔一飄洋船。時蓋泊其舍傍也。父怒。方罵聲言。尋出殺之。急切不得歸。洋船又刻時掛帆。飛黃懇巨商帶往日本。飛黃固姣好色。媚愛之者非一商。遂與俱往。至則各商有發貨置貨之煩。飛黃獨無所事。日就島主宴飲歌舞。時島主家有文君。悅之。卽國姓鄭成功之母也。贅入爲日本人。偕來。艘已返。且未歸。生一子。國姓也。再一年前。艘與客又至。乃隻身附歸。至中途爲海

盜所劫。飛黃亦隨船貨作千金分與主寨之賊。賊歸之。海盜有十寨。寨各有主。停一年。飛黃之主有疾。疾且痼。九主爲之宰牲療祭。飛黃乃泣求其主。明日祭後必會飲。乞衆力爲我放一洋。獲之有無多寡。皆我之命。煩緩頰懇之。主如言。衆各欣然。劫四艘。貨物皆自暹邏來者。每艘約二十餘萬。九主重信義。盡界飛黃。飛黃之富逾十寨矣。海中以富爲尊。其主亦就阻。飛黃遂爲十主中之一。時則暹羅籍。登金運家。置蘇杭細軟。兩京大內寶玩。與暹羅朝鮮。具膳占城。

備齊等國兼掠犯東粵潮惠廣肇福游汀閩台紹等處。此天啟初年事也。閩粵兩撫爲勦除策。各遣海道張濬李芳枝二人先駐海涯。揚旗震鼓。以集調王漢等兵。不逾三夕。兩道臣爲飛黃取入海寨。二撫悔恨無策。勦撫並消。不得不上聞。飛黃亦日醉。二道臣于洪波中。恐之侮之。絕不甚危之。三月餘。主撫之目下頽。且設漳鎮叅將府之座。以待飛黃。飛黃遂挾二道臣登涯就職矣。兩撫以脫卸爲事。仍叙功加部銜官保。不等飛黃又多所贈。至喜也。其在海九寨爲王者。



爲劉香蹈飛黃故轍。爲海邊患。飛黃則盡力窘之。幾窮逼其無挽泊處。香甚恨焉。訪飛黃在漳鎮。盡遣其黨圍其居而擒焉。飛黃見曰。吾爲岸上貪官汚吏所束縛。正欲仍來入夥。問舟泊何處。卽先遣家眷登入。復盡捲家之所有歸船。飛黃又曰。室中酒肉甚多。何不暢飲而去。乃令治具。取其精腴者。咨爲飽渥。碗酒塊肉。數指輪拳。至醉而酌。酌者隨身之力。各倒地。捩壁不顧矣。忽聞鑼响。頭皆落地。飛黃取上家眷什物。解其衣甲。衣我家丁。駕彼之舡。挺立船頭。劉香遙望。

本船衣飾與飛黃大喜而呼曰。來矣。飛黃亦應曰。來矣。卽躍上岸。乘其不備。舉刀便斫。劉香旣殺。餘皆跪拜投降海上。從此太平。往來各國。皆飛黃旗號。滄海大洋如內地矣。撫按又爲報功。因陞漳潮兩府副總兵。後至崇禎末年。百計營求。欲得福開全省正總兵。齎銀十萬至京師。大小司馬手長膽炫不敢也。至十七年三月。此銀爲流賊所得。至宏光朝。馬士英晉之以五等之爵。封靖海侯矣。至隆武朝。陳有子在日。本隨武召歸。竟立爲己子。賜國姓矣。不久飛黃亦卽

歸

大清

此芝龍族婿翁吉燧所述

遺聞云芝龍有弟芝虎。勇冠三軍。以征劉香。歿于海。次鴻。迭次芝豹。一門聲勢。烜赫東南。

### 孝子馮時化

馮時化。無錫人。讀書遇忠孝事。輒欣慕。執鞭。母病。殆。蒸香祝天。剗肉調羹。母飲之立瘥。時化嘗拾遺金。僚。屢三日。伺其人。返之。隱德至行。殆。今人而古處者歟。

### 旌貞女鄭氏

按氏鄭。惟順女。幼字詞臣馬世奇。長子瑜。聞瑜病歿。

驟擊一刀。截髮奪而復擊者三。防之密終不得截。遂以首抵火。焚髮幾盡。且哭且踊。踴告祖母及母。求過夫家執喪。母猶豫。卽擲身墜樓求死。母知志不可奪。聞于夫家。時瑜父世奇官京師。祖希尹卽具禮往迎入門。後縞衣練服。執三年喪。却甘飲藜。砥志堅苦。瑜墓。憑棺悲慟。道路哀之。順治戊子。學臣蘇銓。跡題建坊旌表。

馬世奇。自京爲文寄哭子曰。吾自聞兒媳矢志。從一。每心幸兒之有婦。而又聞諸愛人以姑息者。恐未必。

能令兒之終有婦也而今兒果有婦矣

誌異

七月己酉朔山西汾州府臨縣大雨電三日。積二尺餘傷秋九月二十五日壬申癸亥犯太微